

摘藻堂四庫全書薈要

子部

欽定四庫全書叢要

子部

御纂醫宗金鑑卷五十



臣  
王杰詳校  
詳校官主事臣陳木

欽定四庫全書薈要

御纂醫宗金鑑卷五十

編輯幼科雜病心法要訣目錄

四診總括



察色

聽聲

審病

切脈

虎口三關脈紋圖

虎口三關部位脈紋形色

初生門上

拭口

甘草法

黃連法

硃蜜法



豆豉法

斷臍

胡粉散

烙臍餅子

浴兒

藏胎衣法

剃頭

不啼

鞭背法

熏臍帶法

不乳

一捻金

勻氣散

理中湯

眼不開

生地黃湯

熊膽洗法

吐不止

一捻金

香蘇飲

黃連二陳湯

理中湯

不小便

導赤散

八正散

豆豉膏

不大便

硃蜜法

一捻金

大小便不通

木通散

紫霜丸

肛門內合

黑白散

蘇合香丸

噤口

龍膽湯

紫霜丸

秘方擦牙散

辰砂全蠍散

勻氣散

撮口

辰砂殭蠶散

紫霜丸

龍膽湯

撮風散

臍濕臍瘡

滲臍散

金黃散

臍突

犀角消毒飲

二豆散

臍風

驅風散

黑白散

理中湯

辰砂殭蠶散

龍膽湯

益脾散

撮風散

天鈞

九龍控涎散

牛黃散

鈎藤飲



蘇合香丸

內釣

鈎藤飲

木香丸

養藏散

盤腸氣痛

白豆蔻散

熨臍法



欽定四庫全書薈要卷一萬五百四

子部

御纂醫宗金鑑卷五十

編輯幼科雜病心法要訣

四診總括

兒科自古最為難毫釐之間千里愆氣血未充難據脈  
神識未發不知言惟憑面色識因病再向三關診熱寒  
聽聲審病兼切脈表裏虛實隨證參

註兒科一道自古為難蓋以小兒形質柔脆易虛易

實調治少乖則毫釐之失遂致千里之謬氣血未  
充者氣血尚未充盈也難據脈者脈無定準不可  
祇以脈為主也神識未發者茫然無知識也不知  
言者不能言其疾苦也診小兒之病惟憑察面部  
形色識其因何而生也三關者手虎口處風氣命  
三關也當視脈紋形色以診其屬熱屬寒也聽聲  
者聽其五聲所主之病也審病者審其安煩苦欲  
飲食二便也切脈者切脈之浮沉遲數滑澀大小


有力無力也醫者誠能以四診參合表裏虛實寒熱之病則可保萬全也



面 部 圖



面部五臟部位圖





# 察色

欲識小兒百病原先從面部色詳觀五部五色應五藏  
誠中形外理昭然額心頰腎鼻脾位右腮屬肺左屬肝  
青肝赤心黃脾色白為肺色黑腎顏青主驚風赤火熱  
黃傷脾食白虛寒黑色主痛多惡候明顯濁晦輕重參  
部色相生為病順部色相尅病多難相生實者邪助病  
相尅虛者正難堪天庭青暗驚風至紅主內熱黑難痊  
太陽青驚入耳惡印堂青色驚瀉纏風氣青驚紫吐逆

兩眉青吉紅熱煩鼻赤脾熱黑則死脣赤脾熱白脾寒  
左腮赤色肝經熱右腮發赤肺熱痰承漿青驚黃嘔吐  
黑主抽搐病纏綿此是察色之大要還將脉證一同參  
註小兒之病先從面部氣色觀之詳察五部之色則

五藏之病自昭然可見矣五部者額屬心額屬腎  
鼻屬脾左腮屬肝右腮屬肺也五色者青為肝色  
赤為心色黃為脾色白為肺色黑為腎色也如面  
青主是驚風之證面赤主火熱面黃主傷脾傷食

面白主虛寒面黑主痛多是惡候總之五色明顯  
為新病其證輕濁晦為久病其證重部色相生為  
順者如脾病色黃此正色也若見紅色乃火能生  
土故為順也若見青色乃木來尅土故為逆也餘  
病倣此若氣血充實又遇部色相生縱有外邪助  
病亦易為治療若久病氣血虛弱又遇部色相尅  
則正氣不支每難治療如天庭青暗主驚風紅主  
內熱黑則不治太陽青主驚風青色入耳者死印

堂青主驚瀉風池在眉下氣池在眼下二處青主驚風紫多吐逆兩眉青主吉紅色主多煩熱鼻赤主脾熱鼻黑則死脣赤主脾熱白主脾寒左腮發赤主肝經有熱右腮發赤主肺熱痰盛承漿青主驚黃主吐黑主抽搐此皆察色之大要再以脈證參之庶治得其要矣

聽聲

診兒之法聽五聲聆音察理始能明五聲相應五藏病

五聲不和五藏情心病聲急多言笑肺病聲悲音不清  
肝病聲呼多狂叫脾病聲歌音顫輕腎病聲呻長且細  
五音昭著證分明啼而不哭知腹痛哭而不啼將作驚  
嘔煎不安心煩熱嘔聲聲重感寒風有餘聲雄多壯厲  
不足聲短怯而輕多言體熱陽府證懶語身冷陰藏形  
狂言焦躁邪熱盛譫語神昏病熱凶鴨聲在喉音不出  
直聲無淚命將傾虛實寒熱從聲別聞而知之無遁情

註小兒之病既觀其色又當細聽其聲蓋笑呼歌悲

呻五聲內應心肝脾肺腎五藏也五聲不和則知  
五藏有病之情矣如心屬火病則聲急喜笑肺屬  
金病則聲悲音濁肝屬木病則聲狂叫多呼脾屬  
土病則聲顫輕如歌腎屬水病則其聲長細如呻  
吟有聲有淚聲長曰哭有聲無淚聲短曰啼如啼  
而不哭則氣不伸暢主腹痛哭而不啼則氣急心  
煩將成驚也噬煎不安者乃心經內熱故煩躁不  
寧也嗄聲音啞也聲重聲濁也此為外感風寒也

有餘之證其氣實故聲雄大而壯厲不足之證其  
氣虛故聲怯弱而輕短多言與身熱皆陽也陽主  
府故曰陽府證也懶語與身涼皆陰也陰主藏故  
曰陰藏證也狂言焦躁者邪熱盛也神昏譫語者  
熱乘於心故曰病熱凶也鴨聲聲在喉中而啞氣  
將絕也直聲聲無回轉而急氣將散也二者俱為  
不治之證醫者果能以此察之則知表裏藏府寒  
熱虛實諸病之情態無所遁矣

審病

審兒之病貴詳參要在安煩苦欲間能食不食渴不渴  
二便調和通秘勘發熱無汗為表病內熱便鞭作裏者  
安煩晝夜陰陽證苦欲冷暖定熱寒能食不食胃壯弱  
渴與不渴胃濕乾便稠黏穢為滯熱尿清不赤乃寒占  
耳尻肢涼知痘疹指稍發冷主驚癇肚腹熱悶乃內熱  
四肢厥冷是中寒睂皺曲啼腹作痛風熱來臨耳熱纏  
腹痛須按軟與鞭喜按不喜虛實參欲保赤子誠心辨



對證施方治不難

註小兒有病貴乎詳審先問起居安煩苦欲何如次問飲食能食不食渴與不渴又次問二便或通或秘而後病源可識矣如發熱無汗此邪在表也內熱便鞭此邪在裏也安煩者謂晝若煩熱而夜安靜是陽旺於陽分其病在陽若夜煩熱而晝安靜是陽陷於陰分其病在陰苦欲者喜冷惡熱皆屬陽病故為熱也喜熱惡冷皆屬陰病故為寒也胃

壯者能食胃弱者不能食胃乾燥者口渴胃濕盛者口不渴至於大便稠黏穢氣難聞者是內有滯熱從熱化也小便清白不赤為虛寒從寒化也若耳稍冷尻骨冷四肢發冷者此痘疹欲發之候如單指梢發冷者此驚癇將作之徵肚腹熱悶主內熱手足厥冷主中寒小兒無故皺眉曲腰啼叫者主內因腹痛也兩耳常常發熱者主外因風熱也然腹痛又當按其或軟與鞭若喜按者為虛不喜按

者為實保赤者須誠心勘問對證施治庶隨手奏效矣

切脈

小兒週歲當切脈位小一指定三關浮脈輕取皮膚得沉脈重取筋骨間一息六至平和脈過則為數減遲傳滑脈如珠多流利濇脈滯濇往來艱三部無力為虛脈三部有力作實言中取無力為芤脈微脈微細有無間洪脈來盛去無力數緩時止促結占緊脈左右如轉索

弦則端直張弓弦浮為在表外感病沉為在裏內傷端  
數為在府屬陽熱遲為在藏乃陰寒滑痰洪火微怯弱  
弦飲結聚促驚癇乳主失血瀉血少沉緊腹痛浮感寒  
虛主諸虛不足病實主諸實有餘看痘疹欲發脈洪緊  
大小不勻中惡勘一息三至虛寒極九至十至熱極炎  
一二十一十二死浮散無根沉伏難表裏陰陽虛實診  
惟在兒科隨證叅

註週歲者一歲也有疾則當切脈但部位甚小不能

以三指診之須用一指以定三關三關者寸關尺也浮脈者輕取皮膚之上即得故曰浮也沉脈者重按筋骨之間則見故曰沉也一息者人之一呼一吸也至者脈之至數也一息六至為和平之脈則曰無疾至數若過者七至八至也謂之數脈至數若減者四至五至也謂之遲脈滑脈如珠往來流利瀉脈滯澁往來艱難三部者脈之浮中沉也浮中沉三部無力為虛浮中沉三部有力為實芤

脈者中取無力微脈者按之微細若有若無洪脈者來時雖盛去時無力促脈者數而時止結脈者緩而時止緊脈者左右如轉索之象弦脈者端直如張弓弦此皆言脈之形象至數也浮脈病在表外感風寒也沉脈病在裏內傷飲食也數脈病在六府屬陽也遲脈病在五藏屬陰也滑主痰盛洪主火熱微主怯弱之證弦主停飲結主積聚促主驚癇衄主失血瀉主血少沉緊主腹痛浮緊主感

寒虛為不足主諸虛實為有餘主諸實洪緊者痘  
疹欲發也大小不勻者中惡之證也一息三至是  
虛寒之極九至十至乃火熱太甚此諸脈所主之  
病也若一息只一至二至或十一十二至者皆死  
脈也浮散無根及沉浮取之不應指者皆難治之  
脈也凡病之陰陽表裏虛實雖可以診脈而得惟  
臨證時合望聞問三者細為參考焉





虎口三關部位脈紋圖

右手圖



左手圖



風關次指第一節  
 氣關次指第二節  
 命關次指第三節  
 虎口叉手處也男  
 先看左手次指內  
 側女先看右手次  
 指內側

去蛇形




長珠形



來蛇形



流珠形



形左向斜紋



形右向斜紋




形裏反弓




形外反弓



透關射指形



針形



透關射甲形



鎗形



形蟲如曲三




形字乙



形字水



形鉤如曲二



魚骨形




環形



亂蟲形



曲蟲形



虎口三關部位脈紋形色

初生小兒診虎口男從左手女右看次指三節風氣命  
脈紋形色隱隱安形見色變知有病紫屬內熱紅傷寒  
黃主脾病黑中惡青主驚風白是疳風關病輕氣關重  
命關若見病多難大小曲紫傷滯熱曲青人驚走獸占  
赤色水火飛禽撲黃色雷驚黑陰癇長珠傷食流珠熱  
去蛇吐瀉來蛇疳弓裏感冒外痰熱左斜傷風右斜寒  
鍼形鎗形主痰熱射指射甲命難全紋見乙字為抽搐

二曲如鈎傷冷傳三曲如蟲傷硬物水紋咳嗽吐瀉環積滯曲蟲驚魚骨形似亂蟲有蛔纏脈紋形色相叅合醫者留神仔細觀

註凡初生小兒有疾病者須視虎口叉手處脈紋之形色以決病之生死輕重男先看左手次指內側女先看右手次指內側指之三節初節曰風關次節曰氣關三節曰命關其紋色紅黃相兼隱隱不見則為平安無病若紋色紫屬內熱紅屬瀉寒黃



為傷脾黑為中惡青主驚風白主疳證紋在風關  
主病輕氣關主病重若過命關主病危難治又當  
視其紋形大小曲灣色紫者主傷食內熱色青者  
主人驚及走獸驚色赤者主水火飛禽所驚黃主  
雷驚黑主陰癇如指上紋形一點紅色名曰流珠  
紋主內熱圓長者名曰長珠形主飲食傷上尖長  
下微大者名曰去蛇形主傷食吐瀉上大下尖長  
者名曰來蛇形主濕熱成疳弓反裏者形灣向中

指主感冒寒邪弓反外者形灣向大指主內熱痰  
盛紋斜向左者其紋斜向中指主傷風紋斜向右  
者其紋斜向大指主感寒鍼形者直若懸鍼微短  
鎗形者直射如鎗微長皆主痰熱透關射指射甲  
者其紋直射指甲指端主脾氣大敗病危不起二  
者俱屬不治乙字紋似乙字主驚風抽搐二曲如  
鈎主傷生冷三曲如蟲主傷硬物水紋形似水字  
主咳嗽環形聯絡如環主疳病曲蟲紋如灣蟲主

積滯魚骨紋如魚刺主驚熱紋形如亂蟲者主蛔  
蟲纏擾習幼科者必以此形色合叅留神診察始  
不誤矣



初生門上

拭口 附下胎毒法

拭口須用燕脂法穢淨方無口病生古云未啼先取穢  
只緣未察此中情

註 嬰兒初生須用軟棉裹指拭淨口中不潔繼以燕  
脂蘸茶清擦口舌齒頰之間則不使一切口病生  
矣古云子未啼時先取穢血此古人不詳體察蓋  
兒在胞衣之中以臍蒂資生胞中皆是氤氲精氣

生長蒸化並無血脈兒口之血從何而來此說不經不可為訓也

甘草法

甘草之法自古稱能解諸毒性味平濃煎頻令兒吮服  
免使胎毒蘊腹中

註甘草味甘平和五藏解百毒之藥也四時皆可用  
虛實皆可服取中指一節用水煎濃以棉纏指蘸  
水令兒吮之其毒自解

黃連法

素稟胎熱蘊於中惟有黃連法最靈水浸濃汁滴口內  
臍糞胎毒自此清

註黃連清熱解毒之要藥也凡夏月及四時看兒有  
胎熱者恐熱蘊於中致生他病故宜用之須取黃  
連數塊搥碎用湯浸出汁時時滴兒口中以臍糞  
下為度其毒自解矣

硃蜜法

硃蜜鎮神利腸胃清熱防驚大有功胎熱便秘皆堪用  
稟賦怯弱慎而行

註硃砂鎮心定驚兼能除邪蜂蜜解毒潤腸更能清  
熱一鎮一潤功效殊常胎熱便閉者四時皆可用  
之取一大豆許研細水飛過煉蜜調勻乳汁化服  
最佳惟胎稟太弱者不宜用也

豆豉法

怯弱之兒豆豉法宣發胎毒功最良兒生冬月亦宜此



煎取濃汁當乳嘗

註淡豆豉輕腐宣發之藥也凡怯弱之兒或值冬月  
欲解胎毒者只將此藥煎為濃汁與兒三五口其  
毒自開矣

斷臍

臍帶剪下即用烙男女六寸始合宜烙臍灸法防風襲  
胡粉封臍為避濕

註嬰兒初生先用剪刀向火烘熟剪斷臍帶次用火

器繞臍帶烙之當以六寸為度不可過為短長短則傷藏長則損肌斷訖又用烙臍餅子安灸臍上以防風邪外入隨用胡粉散敷臍帶間用軟絹新棉封裹之以避尿濕風邪如藥不脩卽以細熟艾一塊照依前法封裹

胡粉散

胡粉

臍帶灰

乾薑

白石脂

棉灰

各等分

麝香少許

右共為細末每用一錢敷臍上封之

烙臍餅子

豆豉

黃蠟等分

麝香少許

右以豆豉麝香研勻鎔蠟量臍大小捻為餅灸用

浴兒

浴兒之法五枝湯冬夏寒溫適可當加豬膽汁去污穢

且滋肌膚免生瘡

註 斷臍後三日浴兒此法其來舊矣為其革污穢也  
臨浴時須擇無風密處適可而止不可久在水中  
冬月恐其受寒夏日恐其傷熱其為湯之法須用  
桃槐桑梅柳枝熬成再加豬膽汁以去其污穢且  
能滋潤肌膚令兒胎瘡不生

藏胎衣法

藏衣新瓶用帛纏埋築天德月空邊向陽高燥宜嚴密

令兒無疾壽綿綿

註凡藏胎衣盛在新瓶內以青帛裹瓶口擇向陽高燥之地天德月空處掘地三尺埋之兒自長壽無疾若藏衣不謹於兒不利

天德月空


正月在丁二月坤三月居壬四月辛五乾六甲七月癸八艮九丙十乙宮十一巽兮庚十二此是天德牢記心月空單月壬共丙雙月俱在甲與庚

註  
天德如正月在丁二月在坤三月在壬四月在辛  
五月在乾六月在甲七月在癸八月在艮九月在  
丙十月在乙十一月在巽十二月在庚是也月空  
如正月在丙壬二月在甲庚三月在丙壬四月在  
甲庚五月在丙壬六月在甲庚七月在丙壬八月  
在甲庚九月在丙壬十月在甲庚十一月在丙壬  
十二月在甲庚是也

天

德  
律

圖



此天德圖

內如單月

逢丙壬雙

月逢甲庚

又為月空

之方位也

天德方向俱依此圖為準其月空方向單月在  
丙壬方雙月在甲庚方四處如值天德方向不  
便即按圖尋丙壬甲庚所在用之如值月空方  
向不便亦按圖尋天德用之



剃頭

小兒彌月剃胎頭密室溫和適可求杏麻薄膩揉頭上  
胎毒瘡癩一切休

註兒滿月剃頭須向密室溫煖處剃之為其氣血未  
盈寒風易入剃後須用杏仁三枚研細入薄荷三  
葉再同研將麻油滴三四點合膩粉拌勻擦頭上  
能避風邪免生瘡癩熱毒等證

不啼

小兒生下不能啼俗語名之為草迷多因臨產難生育  
或值嚴寒氣所逼氣閉不通聲不出奄奄呼吸命須臾  
氣閉不通葱鞭背寒逼急用火熏臍

註兒生落地啼聲卽發形生命立矣有不啼者俗云  
草迷多因臨產時生育艱難以致兒生氣閉不通  
所以不啼也急以葱鞭其背使氣通則啼又有時  
值天寒之際兒氣為寒所逼亦不能啼宜用熏臍  
帶法急為挽回庶氣通而啼聲出也若氣絕無聲

面青甲黑是形雖存而命已不立安望其生哉

鞭背法

小兒初生氣不通奄奄呼吸少啼聲用葱鞭背輕輕擊  
須臾聲發可回生

註葱辛通氣擊動醒神用葱鞭背者取開通擊醒之  
義也如無葱以手輕擊之亦可

熏臍帶法

小兒生下或冒寒氣閉無聲啼則難油撚熏臍休剪帶

煖氣入腹自通安

註兒初生方離母腹若值天寒氣為寒閉使兒聲不出須急用棉絮包裹抱於懷中且勿斷臍用紙撚蘸油點火於臍帶下往來熏之令火氣由臍入腹寒得溫散氣得煖通啼聲自出矣

不乳

兒生能乳本天然若不吮兮必有緣腹中穢惡未下淨或在胎中素稟寒穢惡不淨一捻效胎寒不乳勻氣先

若更面青肢冷厥此是寒虛理中煎

註不乳謂初出胞胎不吮乳也其故有二不可不辨  
兒生腹中臍糞未下能令小兒腹滿氣短嘔吐不  
乳當用一捻金治之若兒母過食寒涼胎受其氣  
兒必腹痛多啼面色青白宜勻氣散主之若四肢  
厥逆者理中湯主之

一捻金

大黃  
主

黑丑

白丑

人參

檳榔 各等分

右為細末每少許蜜水調服

勻氣散

陳皮

桔梗 各一錢

炮薑

砂仁

炙甘草 各五分

木香 三分

右共為細末每服五分紅棗煎湯調服

理中湯

人參

白朮  
土炒

乾薑

甘草  
炙

引用紅棗肉水煎服

方歌理中人參並乾薑白朮甘草共為湯胎寒諸疾皆

當服不乳肢冷更堪嘗

眼不開

兒生眼閉不能開皆因脾熱受於胎內用地黃湯最妙

熊膽洗目效靈哉

註小兒初生眼不開者因孕婦飲食不節恣情厚味  
熱毒熏蒸以致熱蘊兒脾眼胞屬脾其脈絡緊束  
故不能開也內服生地黃湯外用熊膽湯洗之自  
愈

生地黃湯

生地黃

赤芍藥

川芎

當歸



天花粉

甘草  
生

水煎服

方歌  
目閉不開胎熱成生地黃湯赤芍芎當歸花粉生

地草水煎速服莫消停

熊膽洗法

熊膽

黃連  
各少許

用滾湯淬洗其目自開

吐不止

兒吐不止何因生穢惡停留胃內成或緣稟賦胎寒熱或因生時感寒風穢惡一捻金散下外感香蘇溫散能熱涎酸黏連陳治寒吐清沫用理中

註兒自胞胎既脫以後有因便秘腹中穢惡不淨令兒腹滿其吐不止者一捻金主之若生育時觸冒寒邪入裏犯胃則曲腰而啼吐沫不止者香蘇飲溫散之又有胎前受熱面黃赤手足溫口吐黃涎酸黏者二陳湯加黃連主之若胎前受寒面青白

四肢冷口吐清稀白沫者理中湯主之

一捻金 方見不乳

香蘇飲

藿香

蘇葉

厚樸

薑炒

陳皮

枳殼

麩炒

茯苓

木香

煨

炙甘草

引用生薑水煎服

歌方香蘇飲用藿香蘇厚樸陳皮枳殼茯苓甘草木香一

併入生薑為引吐能除

黃連二陳湯

半夏

薑製

陳皮

茯苓

生甘草

黃連

薑炒

引用生薑水煎服

歌方兒生胎熱吐頻頻醫治須當用二陳半夏陳皮茯苓

苓草薑連加入效如神

理中湯方見不乳

不小便

小便不通胎熱壅導赤八正二方從外用豆豉貼臍法  
須臾小便自能通

註小兒初生不小便者乃胎熱流於下也宜導赤散  
熱盛者八正散主之外用豆豉膏貼臍上則小便  
自通矣

導赤散

生地黄

木通

甘草  
生

引用燈心竹葉水煎服

加黃連滑石赤苓更妙

方歌方名導赤妙難言生地木通甘草煎引用燈心共

竹葉清熱利水便如泉

八正散

扁蓄

瞿麥

滑石飛

木通

赤苓

車前子

生大黃

梔子  
生

引用燈心水煎服

方歌八正散治小便秘扁蓄瞿麥車前利木通滑石赤

茯苓大黃梔子合成劑

豆豉膏

淡豆豉一升

田螺十九個

葱一大束

右搗爛用芭蕉汁調貼臍上

不大便

大便不通名鎖肚皆緣熱毒受胎中硃蜜捻金俱可用  
急嘔五心臍下通

註小兒初生之日或次日卽大便秘者俗云下臍屎此  
腸胃通和幽門潤澤也若至二三日不大便秘者名



曰鎖肚乃胎中受辛熱之毒氣滯不通也其兒必面赤腹脹不乳多啼宜先用硃蜜法治之設若不應用一捻金量兒與之繼令婦人以溫水噉口啞兒前後心手足心並臍下共七處以皮見紅赤色為度須臾大便自通矣

硃蜜法 方見拭口

一捻金 方見不乳

大小便不通

二便俱秘胎熱極木通散與紫霜丸行熱開結真神妙  
口撮之法悉如前

註小兒初生大小便不通者最為急候乃胎中熱毒  
太甚而成也急用前口撮五心臍下法再以木通  
散行其熱紫霜丸開其結庶可望生若延至七日  
謂之一臘肚腹硬脹常作呻吟則難治矣

木通散

車前子

扁蓄

瞿麥

木通

赤苓

山梔

滑石  
飛

黃芩

生甘草

大黃

引用燈心水煎服或入薄荷同煎

方歌二便閉兮如何醫木通散用甚為奇車蓄瞿通苓

梔子滑苓甘草大黃宜

紫霜丸

代赭石

一兩  
火煨

醋浸三五次研

赤石脂

一兩

杏仁

六十粒  
炒去皮尖

巴豆

三十粒  
去油膜

右為末飯糊如麻子大日服三丸白水下

肛門內合

有因熱毒肛門結或是內合無隙通消毒宜服黑白散  
脂瞞簪通導法精

註小兒初生肛門內合有二一者熱毒太甚壅結肛

門一者脂膜遮瞞無隙可通如肛門壅結者急服  
黑白散外用蘇合香丸作棗核狀納入孔中取其  
香能開竅又能潤澤大便一下庶可望生如脂膜  
遮瞞無隙可通者先以金玉簪透之刺破脂膜再  
以蘇合香丸照前法導之庶可挽回於萬一耳

### 黑白散

黑牽牛

半生半炒

白牽牛

半生半炒

大黃生

檳榔

陳皮各五錢

生甘草 三錢

玄明粉 一兩

右除檳榔不過火餘五味或晒或焙仍合檳榔為末同玄明粉入乳鉢內研細每服五分至六七分溫蜜湯調化

蘇合香丸

蘇合香油

五錢

入安息香內

安息香

一兩

另為末用無灰酒半觔熬膏

丁香

青木香

白檀香

沉香

萆薢

香附子

訶子

煨取肉

烏犀

鎊

硃砂

各一兩  
水飛

薰陸香

片腦

各五錢  
研

麝香

七錢半

右為細末入安息香膏煉蜜和劑圓如芡實大空心  
用沸湯化下酒下亦可

# 噤口

噤口舌上如黍米吮乳不得啼漸難清肝龍膽湯極妙  
腹硬便秘紫霜丸吐涎牙緊擦牙效次用辰砂全蠍煎  
病勢稍安勿過劑調和脾胃勻氣先

註小兒噤口之證失治多至不救其候舌上生瘡如  
黍米狀吮乳不得啼聲漸小因胎熱所致也法當  
清熱疎利以龍膽湯主之若肚腹脹硬二便不通  
者紫霜丸主之又有一種口吐白沫牙關緊急者



此胎熱內結復為風邪外襲當以秘方擦牙散先  
擦其牙關次服辰砂全蠍散中病即止不可過服  
證退當調和脾胃以勻氣散主之

龍膽湯

柴胡

黃芩

生甘草

鉤藤鉤

赤芍

大黃  
紙裏煨

龍膽草

蜣螂  
去翅足

桔梗

赤茯苓

引用棗肉水煎服

方歌  
噤口龍膽湯極靈  
柴胡黃芩草鉤藤  
赤芍大黃龍

膽草蜣螂桔梗赤茯苓

紫霜丸  
方見二便不通

秘方擦牙散

生南星  
二錢  
去皮臍

龍腦  
少許

右研為極細末用指蘸合生薑汁放大牙根擦之

立效如不開者將應用之藥調和稀糊含在不病  
人口內以筆管插入病人之鼻孔用氣將藥極力  
吹入其關立時即開此法有通仙之妙不可不知

辰砂全蠍散

辰砂

五分  
水飛

全蠍

三枚  
去毒

硼砂

龍腦

麝香

各一分

右為極細末用乳母唾調抹口脣裏及齒上

勻氣散方見不乳

撮口

撮如囊口吮乳難舌強脣青吐沫痰面色赤黃胎熱極四肢厥冷命難全痰盛宜用殭蠶散便秘須進紫霜丸驚熱龍膽湯極妙抽搐撮風散自安

註撮口者口撮如囊口也吮乳不得舌強脣青面色黃赤乃心脾之熱受自胎中而然也其證為危候急當隨證治之如氣高痰盛者辰砂殭蠶散主之

二便秘結者紫霜丸主之身熱多驚者龍膽湯主之手足抽搐者撮風散主之若更口吐白沫四肢厥冷雖有神丹終屬無濟

辰砂殭蠶散

辰砂

五分  
水飛

殭蠶

一錢  
直的

去系嘴炒

蛇蛻皮

一錢  
炒

麝香

五分

右為末用蜜調敷唇口

紫霜丸

方見二便不通

龍膽湯 方見噤口

撮風散

赤脚蜈蚣

半條炙

鈎藤鈎 一錢五分

硃砂水飛

直殭蠶 焙

全蠍尾 各一錢

麝香 一字

右為末每服一字竹瀝調下

臍濕臍瘡

浴兒不慎水浸臍或因襁褓濕漬之臍間淋漓多痛癢

甚則焮腫作瘡癢臍濕必用滲臍散瘡腫金黃散最宜  
治療之法須如此臨證施之不可疑

註  
兒生洗浴不可久在水中任意洗濯既包裹畢宜  
時常留意勿令尿濕浸臍如不知慎遂致肚臍浸  
漬不乾名曰臍濕須以滲臍散敷之甚則掀赤成  
瘡名曰臍瘡須以金黃散敷之庶不致寒濕之氣  
內攻也

滲臍散

枯礬

龍骨

煨 各二錢

麝香

少許

右研細末乾撒臍中

金黃散

川黃連 二錢半

胡粉

龍骨

煨 各一錢

右為末敷患處

臍突



嬰兒蘊熱在腹中伸引頻頻卧不寧努脹其氣冲臍本  
虛大光浮臍突成速服犀角消毒飲二豆能消腫赤攻  
最忌寒涼敷臍上冰凝毒熱反成凶

註 嬰兒熱在腹中無所發瀉故頻頻伸引睡卧不寧  
努脹其氣衝入臍間所以臍忽腫赤虛大光浮名  
曰臍突此乃胎熱所致非斷臍不利之過也內服  
犀角消毒飲外敷二豆散其腫自消最忌寒涼之  
藥敷於臍上恐寒凝毒熱反為害也

犀角消毒飲

牛蒡子

炒研

生甘草

荊芥

防風

金銀花

水煎熟臨服入犀角細末調勻服

方歌犀角消毒牛蒡加甘草荊防金銀花細研犀角調

勻服臍突能消功最佳

二豆散

赤小豆

不去皮

豆豉

天南星

去皮臍

白欬

各一錢

右為細末用五分芭蕉汁調敷臍四旁日二次

臍風

斷臍不慎起臍風感受風寒濕水成將作驅風散最效  
已成兼證要分明腹脹便秘黑白散面白肢寒用理中  
痰涎壅盛殭蠶散壯熱面赤龍膽清嘔吐多滯益脾治  
脣青撮口撮風平臍青口噤為不治一臘逢之命必傾

註臍者小兒之根蒂也名曰神闕穴近三陰喜溫惡  
涼喜乾惡濕如斷臍悉遵前法臍風何自而起惟  
不知慎重以致水濕風冷之氣入於臍中兒必腹  
脹臍腫日夜啼叫此臍風之將作也須急用驅風  
散治之若寒邪深入已成臍風者又當視其所兼  
之形證治之如肚腹脹硬大便不通者風兼實也  
黑白散主之面青肢冷二便不實者風兼虛也理  
中湯主之痰涎壅盛氣高喘急者風兼痰也辰砂

殭蠶散主之身體壯熱面赤口乾者風兼熱也龍  
膽湯主之面青嘔吐曲腰多啼者風兼寒也益脾  
散主之撮口脣青抽搐不止者風兼驚也撮風散  
主之若臍邊青黑口噤不開者是為內抽不治臍  
風見於一臘者亦不治一臘者七日也兒生七日  
血脈未凝病已中藏醫之無益

驅風散

蘇葉

防風

陳皮

厚樸  
薑炒

枳殼  
麩炒

木香  
煨

殭蠶  
炒

釣藤  
鈎

生甘草

引用生薑水煎服

方臍風將作用驅風蘇防陳樸枳香從殭蠶釣藤與

甘草生薑加入更通靈

黑白散  
方見肛門內合

理中湯 方見不乳

辰砂殭蠶散 方見噤口

龍膽湯 方見噤口

益脾散

白茯苓

人參

草果 煨

木香 煨

炙甘草

陳皮

厚樸 薑炒

紫蘇子 各等分炒

右為末每服一錢薑棗湯調服

撮風散 方見撮口

天釣

天釣邪熱積心胸痰涎壅盛氣不通癰癰壯熱同驚證  
頭目仰視若釣形九龍控涎醫摛掣牛黃散用善驅風  
癰癰減參釣藤飲爪甲青色蘇合精

註小兒天釣證由邪熱痰涎壅塞胸間不得宣通而  
成發時驚悸壯熱眼目上翻手足癰癰爪甲青色



證似驚風但目多仰視較驚風稍異痰盛兼搐者  
九龍控涎散主之驚盛兼風者牛黃散主之搐盛  
多熱者釣藤飲主之爪甲皆青者蘇合香丸主之  
九龍控涎散

赤脚蜈蚣

一條  
酒塗炙乾

滴乳

天竺黃

各一錢  
二味研勻

臘茶

雄黃

炙甘草

各二錢

荆芥穗

炒

白礬

各一錢  
枯

萊豆

一百粒  
半生半熟

右為末每服五分人參薄荷湯調下

牛黃散

牛黃

一錢  
細研

硃砂

一錢  
飛細研

麝香

五分

天竺黃

二錢

蠍稍

一錢

釣藤鈎

二錢

右研勻每服一字新汲水調下

釣藤飲

人參

全蠍

去毒

羚羊角

天麻

甘草

炙

釣藤鈎

水煎服

按天鈞乃內熱痰盛應減人參

方歌天鈞須用釣藤飲瘕癥連連無止歇人參羚羊與

釣藤炙草天麻共全蠍

蘇合香丸方見肛門內合

# 內釣

內釣肝藏病受寒糞青潮搐似驚癇偃僂腹痛吐涎沫  
紅絲血點目中纏瘕瘕甚者釣藤飲急啼腹痛木香丸  
肢冷甲青脣口黑養藏溫中或保全

註內釣者多因肝藏素病外受寒冷其候糞青潮搐  
者作止有時也偃僂腹痛者曲腰而痛也口吐涎  
沫證雖與驚癇相類但目有紅絲血點瘕瘕甚者  
釣藤飲主之急啼腹痛者木香丸主之若肢冷甲

青脣口黑者養藏散主之然內釣至此乃中寒陰  
盛不治之證用此救治庶或保全

釣藤飲 方見天釣

木香丸

沒藥

木香 煨

茴香 炒

釣藤釣

全蠍

乳香 各等分

先將乳香沒藥研勻後入諸藥末和畢取大蒜少

許研細和丸如桐子大晒乾每次二丸鈎藤湯下

養藏散

當歸

沉香

木香

煨

肉桂

川芎

各半兩

丁香 二錢

右為末每服一錢淡薑湯調服

盤腸氣痛

盤腸寒搏腸中痛曲腰不乳蹙雙眉定痛溫中豆蔻散

熨臍外治法堪垂

註

凡盤腸氣痛皆由寒邪所搏肝腎居下故痛則曲腰宜白豆蔻散主之外用熨臍法其效甚速

白豆蔻散

白豆蔻

砂仁

青皮

醋炒

陳皮

炙甘草

香附米

製

蓬莪術 各等分

右為末每服一錢紫蘇煎湯調下

熨臍法

淡豆豉

生薑

各二錢  
切碎

葱白

五莖


食鹽

一兩

同炒熱置臍上熨之

御纂醫宗金鑑卷五十





總校官庶吉士

臣

張能照

校對官檢討

臣

王鍾健

謄錄監生

臣

蔣予林

欽定四庫全書薈要

子部

御纂醫宗金鑑卷五十一



詳校官主事<sub>臣</sub>陳本

欽定四庫全書薈要

御纂醫宗金鑑卷五十一

編輯幼科雜病心法要訣目錄



生地黃湯

真金散

懸癰

如聖散

一字散

重齟

一字散

清胃散

驚口

清熱瀉脾散

保命散

吐舌

瀉心導赤湯

弄舌

瀉黃散

瀉心導赤湯

重舌

清熱散

涼心散

木舌

川消散

瀉心導赤湯

覓乳

和中清熱飲

溫中止吐湯

平胃散

枳桔二陳湯

夜啼

鈎藤飲

導赤散

蟬花散

胎黃

生地黄湯

犀角湯

胎赤

金匱要略卷五十一  
清熱解毒湯

蔣氏化毒丹

赤遊風

犀角解毒飲

藍葉散

砭血法

神功散

豬肉貼法



塗法

初生無皮

換肌清毒散

當歸飲

清涼膏

驚黃散

撲粉法

變蒸

驚風門

驚風總括

驚風八候

通關急救法

通關散

急驚風

清熱鎮驚湯

安神鎮驚丸

至寶丹

牛黃丸

涼膈散

羌活散

瀉青丸

清熱化痰湯

瀉心導赤湯

涼驚丸

急驚後調理法

琥珀抱龍丸

清心滌痰湯

慢驚風

醒脾湯

緩肝理脾湯

夾熱夾痰慢驚

青州白丸子

柴芍六君子湯

慢脾風

溫中補脾湯

固真湯

理中湯

痢證門

痢證總括

陰痢

醒脾湯

固真湯

定癰丹

陽癰

龍膽湯

瀉青丸

四製抱龍丸

驚癰

大青膏

鎮驚丸

痰癰

一捻金

硃衣滾痰丸

食癰

妙聖丹

硃衣滾痰丸

清熱和胃丸

風癰

化風丹

羌活桂枝湯

牛黃丸



欽定四庫全書蒼要卷一萬五百五子部

御纂醫宗金鑑卷五十一

編輯幼科雜病心法要訣

初生門下

目爛

兒生兩目痛難睜胞邊赤爛胎熱攻內用地黃湯清熱  
外點真金目即明

註目爛者胞邊赤爛痛癢難睜因胎中蘊熱生後毒

熱上攻於目故有是證內服地黃湯以清熱外用  
真金散以點目其證自愈

生地黃湯方見目不開

真金散

黃連生

黃蘗生

當歸

赤芍藥各一錢

杏仁

五分  
炒去皮尖

右剉散乳汁浸一宿晒乾為極細末用生地黃汁

調一字頻頻點眼即愈

懸癰

腭上腫起號懸癰皆因胎毒熱上衝法當刺破鹽湯拭如聖一字摻之靈

註凡喉裏上腭腫起如蘆籜盛水狀者名曰懸癰蘆籜者蘆笋也此胎毒上攻須以棉纏長鍼留鋒刺之瀉去青黃赤汁未消者來日再刺刺後以鹽湯拭口用如聖散或一字散摻之

如聖散

鉛霜 一錢

真牛黃 一錢

太陰玄精石

硃砂 各二錢五分  
水飛

龍腦 五分

右為極細末每用一字摻患處

一字散

硃砂 水飛

硼砂 各五分

龍腦

樸消 各一字

右為極細末用蜜調少許鵝翎蘸搽口內

重齲

重齲胎熱胃中蓄牙根腫脹痛難禁刺破一字散敷上  
繼進清胃效如神

註

重齲者因小兒在胎有熱蓄於胃中故牙根腫如  
水泡名曰重齲治法用鍼刺破以鹽湯拭淨外敷  
一字散內服清胃散其腫自消

一字散

方見懸癰

清胃散

生地

丹皮

黃連

當歸

升麻

石膏  
煨

引用燈心水煎服

方歌清胃散治胃熱熏生地黃連當歸身丹皮升麻石

膏煨臨煎須要入燈心

鵝口

鵞口白屑滿舌口心脾蘊熱本胎原清熱瀉脾搽保命少遲糜爛治難痊

註鵞口者白屑生滿口舌如鵞之口也由在胎中受母飲食熱毒之氣蘊於心脾二經故生後遂發於口舌之間治法以清熱瀉脾散主之外用髮蘸井水拭口搽以保命散日敷二三次白退自安倘治之稍遲必口舌糜爛吮乳不得則難痊矣

清熱瀉脾散

山梔炒

石膏煨

黃連薑炒

生地

黃芩

赤苓

引用燈心水煎服

方歌清熱瀉脾治驚口石膏生地赤苓煎芩連梔子合

成劑加入燈心病即安

保命散

白礬燒灰

硃砂各二錢五分  
水飛



馬牙消 五錢

右研末以白鶩糞水攪取汁塗舌與口角上

吐舌

吐長收緩名吐舌皆是心經有熱成面紅煩渴溺赤瀉  
瀉心導赤服即寧

註吐舌者伸長而收緩也因心經有熱所致故面紅  
煩躁口渴尿赤宜瀉心導赤湯主之

瀉心導赤湯

木通

生地

黃連

甘草  
生

引用燈心水煎服

方瀉心導赤湯最良心熱吐舌即堪嚙木通生地黃

連草燈心加入服自強

弄舌

弄舌時時口內搖心脾熱發口脣焦煩熱舌乾大便穢  
瀉黃導赤並能療

註兒舌口中搖動者因心脾有熱以致唇焦舌乾煩  
熱便穢先用瀉黃散次服瀉心導赤湯

瀉黃散

藿香葉

山梔子  
炒

石膏

煨

防風

甘草

生

引加燈心水煎服

方歌弄舌瀉黃散最神藿香葉配山梔仁甘草防風石

膏煨臨時煎服入燈心

瀉心導赤湯

方見吐舌

重舌

舌下腫突似舌形心脾積熱上攻衝內服宜以清熱飲  
外敷涼心功最靈

註重舌者因舌下近舌根處其腫形似舌故名重舌

此心脾之熱宜服清熱飲外吹涼心散

清熱飲

黃連生

生地

木通

甘草生

連翹去心

蓮子

引用淡竹葉水煎時時灌入口中

方清熱飲內用黃連生地蓮子木通甘連翹更加淡

竹葉一同煎服自然安

涼心散

青黛

硼砂

黃蘗

黃連  
人乳拌晒

人中白

各二錢  
煨過

風化消一錢

冰片二分

右為極細末吹之甚效

木舌

木舌心脾積熱成腫脹木硬證多凶外用川消敷舌上

內服瀉心導赤靈

註  
木舌一證皆因心脾積熱而成蓋脾之脈絡在舌

下又舌為心苗遇火上衝令兒舌腫滿木硬不能  
轉動故名木舌外用川消散敷舌上內服瀉心導  
赤湯若不急治必至難救

川消散

樸消 五分

真紫雪 二分

鹽 一分

右為細末以竹瀝調敷舌上

瀉心導赤湯方見吐舌

卷五十一  
嘔乳

嘔乳之候非一端傷乳停痰胃熱寒熱宜和中清熱飲  
寒用溫中止吐煎傷乳平胃散最妙停痰二陳湯可痊  
若是滿而自溢者常須節乳自能安

註小兒嘔乳證非一端有宿乳停痰胃寒胃熱之分  
不可一例而治如面色多赤二便微秘手足指熱  
此為熱嘔也宜和中清熱飲主之面色青白糞青  
多沫手足指冷此因寒而嘔也宜溫中止吐湯主



之口熱脣乾夜卧不寧手足心熱此為傷乳而嘔也宜平胃散主之胸膈膨滿嘔吐痰涎此因停痰而嘔也宜枳桔二陳湯主之若喫乳過多滿而自溢者不須服藥惟節乳則嘔自止矣

和中清熱飲

黃連  
薑炒

半夏  
薑製

陳皮

茯苓

藿香

砂仁

引用薑水煎服

方和中清熱飲黃連半夏陳皮茯苓攢藿香砂仁合歌  
成劑水煎徐服可安全

溫中止吐湯

白豆蔻  
研

茯苓

半夏  
薑製

生薑

水煎沖磨沉香汁服

方溫中止吐白豆蔻茯苓半夏共生薑臨服沉香汁歌

加入專治嘔乳自寒傷

平胃散

蒼朮  
炒

陳皮

厚樸  
薑炒

甘草  
炙

麥芽  
炒

砂仁  
研

引用薑水煎服

方歌小兒傷乳多吐嘔平胃調和功可見蒼陳厚樸甘

草偕加入麥砂薑一片

枳桔二陳湯

枳殼  
麩炒

桔梗

陳皮

半夏  
薑製

茯苓

甘草  
炙

引用薑水煎服

方停痰覘乳不能安枳桔二陳湯最先枳桔陳半夏  
歌

甘草生薑加入即時痊

夜啼

夜啼寒熱因胎受須將形色辨分明寒屬脾經面青白  
手腹俱冷曲腰疼面赤溺閉屬心熱熱用導赤寒釣藤  
若無寒熱表裏證古法蟬花散最精

註小兒初生夜啼其因有二一日脾寒一日心熱皆  
受自胎中觀其形色便知病情矣如面色青白手  
腹俱冷不欲吮乳曲腰不伸者脾寒也釣藤飲主  
之面赤脣紅身腹俱熱小便不利煩躁多啼者心  
熱也導赤散主之若無已上形證但多啼者用蟬

花散最當

鈎藤飲

川芎

白當歸

茯神

白芍  
炒

茯苓

甘草  
炙

木香

煨

鈎藤鈎

引用紅棗水煎服

方歌  
夜啼之證因脾寒須服鈎藤飲可痊  
芍歸神芍苓

甘草木香釣藤紅棗煎

導赤散 方見小便不通

蟬花散

蟬蛻

不拘多少  
下半截

右研細末每服少許薄荷煎湯調下

胎黃

兒生徧體色如金濕熱熏蒸胎受深法當滲濕兼清熱

地黃犀角二方神

註胎黃者徧體面目皆黃其色如金乃孕婦濕熱太盛小兒在胎受母熱毒故生則有是證也法當滲濕清熱須分輕重治之色微黃者生地黃湯深黃者犀角散

生地黃湯

生地黃

赤芍藥

川芎

當歸

天花粉

赤茯苓



澤瀉

豬苓

甘草

生

茵陳蒿

引用燈心水煎食前服

方胎黃須用地黃湯四物花粉赤苓良澤瀉豬苓甘  
歌

草等茵陳加入水煎嚙

犀角散

犀角

鎔

茵陳蒿

枯萋根

升麻

甘草生

龍膽草

生地

寒水石煨

水煎不拘時服

方歌胎黃又有犀角散甘草犀角與茵陳升麻膽草生  
地共寒水石同枯萋根

胎赤

胎赤胎中受毒熱生後徧體若丹塗清熱解毒湯極妙  
蔣氏化毒功效殊

註胎赤者因孕婦過食辛熱之物以致毒熱凝結蘊於胞中遂令小兒生下頭面肢體赤若丹塗故名曰胎赤當以清熱解毒湯主之熱盛便秘者蔣氏化毒丹主之

清熱解毒湯

生地

黃連

金銀花

薄荷葉

連翹  
去心

赤芍

木通

甘草  
生

引用燈心水煎服

方清熱解毒湯堪誇生地黃連金銀花薄荷連翹赤

芍藥木通甘草燈心加

蔣氏化毒丹

犀角

黃連

桔梗

玄參

薄荷葉

甘草  
生

大黃

生各一兩

青黛五錢

右為細末煉白蜜為丸重六分每服一丸燈心湯化服

赤遊風

赤遊胎中毒熱成皮膚赤腫徧身行頭面四肢猶可治若歸心腹命難生內服犀角藍葉散外用砭法敷神功百日之內忌砭血貼塗二法可安寧

註小兒赤遊風證多由胎中毒熱而成或生後過於

溫暖毒熱蒸發於外以致皮膚赤熱而腫色若丹  
塗遊走不定行於徧身故名曰赤遊風多發於頭  
面四肢之間若內歸心腹則死治法當服犀角解  
毒飲如不愈繼以藍葉散外用砭法刺出毒血毒  
甚者敷以神功散毒輕者不用敷藥在百日內者  
小兒忌砭血以其肌肉難任也須用豬肉貼法或  
以赤小豆末雞子清調塗之甚效

犀角解毒飲

牛蒡子炒

犀角

荊芥穗

防風

連翹去心

金銀花

赤芍藥

生甘草

川黃連

生地黃

引用燈心水煎服

方犀角解毒藥最良牛蒡犀角合荊防連翹銀花赤歌

芍藥甘草川連生地黃

藍葉散

藍葉 五錢

黃芩

犀角屑

川大黃 剉微炒

柴胡

梔子 各二錢  
生

川升麻 一錢

石膏 一錢

生甘草 一錢

右為粗末每服一錢水一小盞煎五分去渣兌竹  
瀝一酒盃煎三兩沸放溫量兒大小用之氣怯弱



者可去大黃

# 砭血法

口吮毒血各聚一處用細磁器擊碎取鋒芒者將筋頭劈開夾住用線縛定兩指輕撮筋梢令磁芒對聚血處再用筋一根頻擊刺出毒血砭後毒甚者以神功散敷之毒輕者砭後不可用恐皮膚既破草烏能作痛也如患在頭者不用砭法祇宜卧鍼倒挑患處出毒血則愈

神功散

黃蘗炒

草烏生

右各為末等分用漱口水調敷頻以漱口水潤之

豬肉貼法

用生豬肉切片貼於赤腫處數數更換

塗法

生赤小豆不拘多少研為細末用雞子清調塗患處

乾則再塗

# 初生無皮

兒生無皮有二端父母梅毒遺染傳或因未足月生早無皮赤爛痛難堪梅毒換肌消毒散胎怯當歸飲能痊外敷清涼鵝黃粉毒解形完膚自堅

註  
嬰兒生下無皮其證有二或因父母素有楊梅結毒傳染胞胎故生下或上半身赤爛或下半身赤爛甚至色帶紫黑又有因月分未足生育太早徧體浸漬紅嫩而光二證俱屬惡候遺毒者內服換

肌消毒散外用清涼膏或鴛黃散敷之胎元不足者內服當歸飲外用稻米粉撲之毒解形完者謂解去毒氣其皮自漸漸生完而堅實矣

換肌消毒散

當歸

生地黄

赤芍藥

川芎

皂刺

土茯苓

金銀花

連翹  
去心

甘草生

白芷

苦參

白蘚皮

防風

引用燈心水煎服

方無皮換肌消毒治四物皂刺土茯苓銀花連翹草

白芷苦參白蘚共防風

當歸飲

何首烏製

白蘚皮

白茯苓

甘草

當歸

生地黃

白芍藥

人參

黃耆

川芎

水煎服

方當歸飲治兒無皮面白肢冷服最宜首烏蘚皮白

茯苓甘草四物共參耆

清涼膏

石灰

四兩  
未經水濕成塊者

用水泡之沒指半許露一宿面上有浮起如雲片者輕輕取之微帶清水視其多寡對小磨香油亦如之以順攪成膏為度用雞翎搽之自愈

鵝黃散

黃蘗

生

石膏

各等分  
煨

共研為細末撲之濕則乾撲乾則用豬苦膽調搽

撲粉法

早稻白米作粉時時撲之其皮漸生神效

變蒸

萬物春生夏熟長兒生同此變形神三十二日為一變  
六十四日日一蒸變長百骸生藏府蒸增智慧發聰明  
十八五百七十六變蒸既畢形神成變蒸之狀身微熱  
耳尻骨冷無病情

註天地生化萬物必以春溫夏熟兒之初生變生形  
神亦同此理自生之日至三十二日曰一變至六



十四日曰一蒸變則長其百骸生其藏府蒸則增其智慧發其聰明也曰十八五百七十六者謂十變五蒸之外又有三大蒸合計五百七十六日也變蒸既畢形神具足此後則不復變蒸矣然每變蒸之時其狀惟身微熱耳冷尻骨冷而無他病情狀蓋以陰陽和變生化形神故無他病情狀也身微熱者以陰陽氤氲變蒸之氣而然也耳尻冷者耳尻屬陰以陽不傷陰而與陰和之象故不熱也

按變蒸既曰生五藏六府次序又曰包絡三焦二經俱無形狀故不變不蒸夫包絡乃周身脂膜聯絡百骸藏府者三焦乃軀殼內氣充滿百骸藏府者變蒸時豈獨不及之耶其說不經細閱靈素自知附辨以俟識者

驚風門

驚風總括

心主驚兮肝主風心熱肝風作急驚素虛藥峻因成慢

吐瀉後起慢脾風急驚陽證有實象慢脾陰證有虛形  
慢驚半陰半陽證虛實寒熱要詳明

註  
心藏神心病故主驚也肝屬木肝病故主風也凡  
小兒心熱肝盛一觸驚受風則風火相搏必作急  
驚之證也若素稟不足或因急驚用藥過峻暴傷  
元氣每致變成慢驚之證更有因吐瀉既久中氣  
大虛脾土衰弱肝木乘虛而内生驚風者名曰慢  
脾風也三者致病之因既不同故所現之證亦各

異急驚屬陽必有陽熱有餘等實象也慢脾屬陰必有陰冷不足等虛象也至於慢驚初得之時陰陽尚未過損或因急驚傳變而成其中常有夾痰夾熱等證故屬半陰半陽不比慢脾純陰之病也治者須詳分虛實寒熱以治之庶不致悞矣

驚風八候

驚風八候搐搦顫反引竄視之名肘臂伸縮名為搐十指開合搦狀成勢若相撲謂之掣顫則頭肢動搖鈴

反張身仰頭向後引狀兩手若開弓竄則目直常似怒  
視則覩物不轉睛內外左右分順逆須識急慢證皆同  
註八候謂搖擗顫反引竄視是也搖謂肘臂伸縮  
擗謂十指開合掣謂肩頭相撲顫謂手足動搖反  
者身仰向後引者手若開弓竄則目直而似怒視  
則睛露而不活其搖以男左手女右手男大指在  
外女大指在內為順反是為逆此候急驚慢驚同  
皆見之虛實無所異焉治者宜切記之

通關急救法

驚風搐搦神昏憤痰壅氣塞在心胸急用通關吹入鼻  
無嚏則死有嚏生

註驚風搐搦必神氣昏憤皆由痰壅氣塞壅結胸中  
而致急用通關散吹入鼻內無嚏者不治有嚏者  
審其表裏虛實隨證治之

通關散

半夏  
生

皂角

細辛

薄荷各等分

共為細末用筆管吹入鼻內少許

急驚風

急驚觸異心驚熱或由風鬱火生風暴發痰盛或熱極壯熱煩急面脣紅痰壅氣促牙關噤二便秘瀉脈數洪驚用鎮驚風至寶牛黃攻痰涼膈清平治羌活瀉青等化痰導赤共涼驚

註  
急驚風一證有因目觸異物耳聞異聲神散氣亂

而生者有因心肝火盛外為風寒鬱閉不得宣通  
而生者有因痰盛熱極而內動風者然證多暴發  
壯熱煩急面紅脣赤痰壅氣促牙關噤急二便秘  
瀉噤急者齒緊急不能開也二便秘瀉者大便秘  
結而小便澀難也脉洪數者主陽熱也觸異致驚  
者清熱鎮驚湯安神鎮驚丸主之火鬱生風者至  
寶丹主之痰盛生驚者牛黃丸攻下之熱極生風  
者涼膈散清解之病不甚者則用平治之法風熱



者羌活散主之肝熱者瀉青丸主之痰兼熱者清  
熱化痰湯主之心經熱者導赤散涼驚丸主之惟  
在臨證者審而用之

清熱鎮驚湯

柴胡

薄荷

麥冬  
去心

梔子

川黃連

龍膽草

茯神

鈎藤鈎

甘草生

木通

引加燈心竹葉調硃砂末服

方清熱鎮驚治外驚柴胡薄荷麥門冬梔子黃連龍  
歌  
膽草茯神鈎藤草木通

安神鎮驚丸

天竺黃

茯神各五錢

膽星

棗仁炒

麥冬去心

赤芍

當歸各三錢

薄荷

黃連

辰砂

牛黃

梔子

木通

龍骨各三錢  
煨

青黛一錢

右為細末煉蜜丸如菉豆大赤金鉤為衣量兒大小與之淡薑湯化下

至寶丹

麻黃

防風

荊芥

薄荷

當歸

赤芍

大黃

芒消

川芎

黃芩

桔梗

連翹  
去心

白朮

土炒

梔子

石膏

煨

甘草

生

滑石

全蠍  
去毒

細辛

天麻

白附子

羌活

殭蠶  
炒

川連

獨活

黃蘗  
各等分

右共為細末煉蜜為丸每丸重五分量兒大小與  
之薑湯化下

牛黃丸

黑牽牛

白牽牛 各七錢半

膽星

枳實 麩炒

半夏

各五錢  
薑製

牙皂

二錢  
去皮弦

大黃 一兩半

右研極細末煉白蜜為丸重五分量兒大小與之

薑湯化下

涼膈散

黃芩

大黃

連翹去心

芒消

甘草生

梔子

薄荷

引用竹葉生蜜煎服

無汗者加防風羌活

方歌涼膈散治膈熱盛梔翹苓薄芒消黃便秘消黃加

倍用無汗更加羌活防

羌活散

羌活

防風

川芎

薄荷

天麻

殭蠶

炒

甘草

生

川黃連

柴胡

前胡

枳殼

麩炒

桔梗

引用生薑水煎服

方羌活散風兼清熱羌防川芎薄荷葉天麻殭蠶草



黃連柴胡前胡枳殼桔

瀉青丸

龍膽草  
焙

梔子

大黃  
煨

羌活

防風  
各一錢

川芎  
錢半

右研末煉蜜為丸如梧桐子大竹葉薄荷湯調下  
清熱化痰湯

橘紅

麥冬  
去心

半夏  
薑製

赤苓

黃芩

竹茹

甘草

生

川連

枳殼  
麩炒

桔梗

膽星

引用生薑燈心水煎服

方清熱化痰有橘紅麥冬半夏赤茯苓黃芩竹茹生

甘草川連枳桔膽南星

瀉心導赤湯 方見木舌

涼驚丸

龍膽草

防風

青黛 各三錢

鈎藤鈎 二錢

黃連 五錢

牛黃 一錢

右研細末麩糊為丸如粟米大量兒大小與之金  
器煎湯化下

急驚後調理法

急驚之後尚未清痰熱琥珀抱龍靈神虛氣弱痰兼熱  
清心滌痰大有功

註急驚多用寒涼之藥亦急則治標之法但得痰火  
稍退即當調補氣血若過用寒涼必致轉成慢驚  
等證故驚邪一退餘熱尚在者當用琥珀抱龍丸主  
之若脾虛多痰者宜清心滌痰湯主之

琥珀抱龍丸

人參

琥珀

茯神各五錢

山藥一兩炒

甘草四錢炙

檀香三錢

天竺黃

枳殼麩炒

枳實各五錢麩炒

辰砂三錢

膽星五錢

赤金鉞二十片

右為細末煉蜜為丸每丸重一錢大兒一丸小兒半丸淡薑湯化下

清心滌痰湯

竹茹

橘紅

半夏薑製

茯苓

枳實  
麩炒

甘草  
生

麥冬  
去心

棗仁  
炒

人參

菖蒲

南星

川黃連

引用生薑水煎服

方清心滌痰湯效靈補正除邪兩收功參苓橘半連歌

茹草枳實菖棗星麥冬

慢驚風

慢驚多緣稟賦弱或因藥峻損而成緩緩搐搦時作止面白青黃身則溫昏睡眼合睛或露眦遲神慘大便秘氣虛夾痰醒脾效脾虛肝旺緩肝靈

註慢驚一證或緣稟賦虛弱土虛木盛者有之或由急驚過用峻利之藥以致轉成此證者有之發時緩緩搐搦時作時止面色淡黃或青白相兼身必

溫和昏睡眼合或睡卧露睛眵來遲緩神氣慘慘  
大便青色此乃脾胃虛弱治宜培補元氣為主虛  
而夾痰者醒脾湯主之脾虛肝旺者緩肝理脾湯  
主之

醒脾湯

人參

白朮  
土炒

茯苓

天麻

半夏

薑製

橘紅



全蠍去毒

殭蠶炒

甘草炙

木香

倉米

膽南星

引用生薑水煎服

方歌氣虛夾痰醒脾治參朮天麻白茯苓橘半全蠍殭

蠶草木香倉米膽南星

緩肝理脾湯

廣桂枝

人參

白茯苓

白芍藥炒

白朮土炒

陳皮

山藥炒

扁豆炒研

甘草炙

引用煨薑大棗水煎服

方肝旺脾虛緩肝湯桂枝參苓芍朮良陳皮山藥扁  
歌

豆草煎服之時入棗薑

夾熱夾痰慢驚

慢驚夾熱或夾痰身熱心煩口溢涎宜以清心滌痰治  
白丸柴芍六君煎

註慢驚之證本無熱可言但脾虛虛熱内生故痰涎  
上泛咽喉氣粗身熱心煩所謂虛夾痰熱是也痰  
熱相兼者清心滌痰湯主之脾虛肝旺痰盛者青  
州白丸子柴芍六君湯主之

清心滌痰湯方見急驚後調理法

青州白丸子

生川烏 五錢  
去皮臍

生半夏 七兩

南星 三兩  
生

白附子 二兩  
生

右為末盛生絹袋內用井花水擺出粉末盡再擺  
以粉盡為度置磁盆內日晒夜露每早撒去舊水  
別用新水攪春五日夏三日秋七日冬十日去水  
晒乾研為細末用糯米粉煎粥清丸菽豆大每服  
三五丸薄荷湯送下

柴芍六君子湯

人參

白朮

土炒

茯苓

陳皮

半夏

薑製

甘草

炙

柴胡

白芍

炒

鈎藤鈎

引用薑棗水煎服

方歌  
脾虛木旺風痰盛  
四君人參朮草苓  
痰盛陳半因

加入肝風  
更用柴芍藤

# 慢脾風

肝盛脾衰金氣弱金失承制木生風每因吐瀉傷脾胃  
閉目搖頭面脣青額汗昏睡身肢冷舌短聲啞嘔澄清  
溫中補脾為主劑固真理中隨證從

註 慢脾風一證多緣吐瀉既久脾氣大傷以致土虛  
不能生金金弱不能制木肝木強盛惟脾是尅故  
曰脾風閉目搖頭面脣青黯額汗昏睡四肢厥冷  
舌短聲啞頻嘔清水此乃純陰無陽之證逐風則

無風可逐治驚則無驚可治惟宜大補脾土生胃  
回陽為主吐瀉亡陽者溫中補脾湯主之大病後  
成者固真湯主之四肢厥冷者理中湯加附子主  
之

溫中補脾湯

人參

黃耆  
蜜炙

白朮  
土炒

乾薑

陳皮

半夏  
薑製

附子製

茯苓

砂仁

肉桂  
去粗皮研

白芍

炒焦

甘草  
炙

丁香

引用煨薑水煎服

方慢脾溫中補脾湯參耆白朮共乾薑陳半附苓縮

砂桂白芍甘草共丁香

固真湯



人參

白朮  
土炒

肉桂

去粗皮

白茯苓

山藥

炒

黃耆  
蜜炙

甘草  
濕紙裏煨透 附子  
去皮臍湯泡浸

引用薑棗水煎服

方歌 固真湯治慢脾風 人參白朮桂茯苓 山藥黃耆煨

甘草附子浸泡最宜精

理中湯  
方見不乳



癇證門

癇證總括

小兒癇證類瘵驚發時昏倒搐涎聲食頃即甦如無病陰陽驚熱痰食風

註  
癇證類乎驚風瘵風者謂發時昏倒抽搐痰涎壅盛氣促作聲與驚瘵二證相似也但四體柔軟一食之頃即醒依然如無病之人非若瘵風一身強硬終日不醒也陰者陰癇也見藏陰證陽者陽癇

也見府陽證驚癇因驚熱痰癇因痰食癇因食風  
癇因風其證不一治亦不同臨證宜詳辨之

### 陰癇

陰癇屬藏肢厥冷偃卧拘急面白青吐沫聲微脉沉細  
醒脾固真定癇靈

註陰癇屬陰藏寒之病也多因慢驚之後痰入心包  
而得發時手足厥冷偃卧拘急面色青白口吐涎  
沫聲音微小脉來沉細輕者醒脾湯甚者固真湯

病退調理用定癰丹主之

醒脾湯

方見慢驚風

固真湯

方見慢脾風

定癰丹

人參

三錢

當歸

三錢

白芍

炒三錢

茯神

棗仁

炒各五錢

遠志

三錢  
去心

琥珀

三錢

天竺黃

四錢

白朮

五錢  
土炒

橘紅

半夏

薑製

天麻

各三錢

釣藤鈎

四錢

甘草

二錢  
炙

右共為細末煉蜜丸如榛子大每服一九淡薑湯  
化服

陽癰

陽癰屬府身熱汗仰卧面赤脉數洪噤急啼呌吐涎沫  
龍膽瀉青與抱龍

註陽癰屬陽府熱之病也多因急驚去風下痰不淨  
久而致成此證發時身熱自汗仰卧面赤脉象洪  
數牙關緊急或啼叫不已口吐涎沫如風兼熱者  
用龍膽湯肝經熱者用瀉青丸痰涎壅盛者用四  
製抱龍丸主之

龍膽湯方見噤口

瀉青丸方見急驚風

四製抱龍丸

天竺黃 五錢

辰砂 二錢

膽星 一兩

雄黃 二錢

麝香 一分半

右為極細末另用麻黃款冬花甘草各五錢煎湯  
去滓慢火熬成膏合藥末為丸如芡實大每服一  
丸薄荷湯化下

驚癇

驚癇觸異驚神氣吐舌急呌面白紅發作如人將捕狀



安神大青鎮驚靈

註小兒心肝熱盛偶被驚邪所觸因而神氣潰亂遂成癇證發時吐舌急叫面色乍紅乍白悚惕不安如人將捕之狀先服大青膏次服鎮驚丸則癇自定矣

大青膏

天麻 三錢

白附子 二錢

青黛

一錢  
研

蝎尾

一錢  
去毒

硃砂

一錢  
研

天竺黃 二錢

麝香

三分

烏梢蛇肉

一錢  
酒浸焙乾

右同研細煉蜜和膏每服大兒五分小兒三分薄

荷湯化服

鎮驚丸

茯神

麥冬

各五錢  
去心

辰砂

遠志

去心

石菖蒲

棗仁

各三錢  
炒

牛黃 一錢半

川黃連 三錢

生

珍珠 二錢

膽星 五錢

鈎藤鈎 五錢

天竺黃 五錢

犀角 三錢

甘草 二錢

生

右共研細末煉蜜為丸每丸重五分量兒與之用  
淡薑湯下

痰癰

痰癰平素自多痰發時痰壅在喉間氣促昏倒吐痰沫

一捻金與滾痰丸

註 痰癇者因小兒平素痰盛或偶因驚熱遂致成癇  
發時痰涎壅塞喉間氣促昏倒口吐痰沫宜先服  
一捻金以急下其痰次服硃衣滾痰丸則氣順痰  
清而癇自止矣

一捻金 方見不乳

硃衣滾痰丸

礞石 一兩

沉香 五錢

黃芩七錢

大黃一兩

右為細末水泛為丸硃砂為衣多寡量兒大小白滾水化服

### 食癰

食癰食過積中脘一時痰熱使之然面黃腹滿吐利臭妙聖滾痰和胃安

註  
食癰者其病在脾因小兒乳食過度停結中脘乘一時痰熱壅盛遂致成癰其初面黃腹滿吐利酸

臭後變時時發搐宜用妙聖丹主之痰盛者硃衣  
滾痰丸主之後用清熱和胃丸調理則積滯清而驚  
癇定矣

妙聖丹

雄黃

蠟梢

硃砂

代赭石

各二錢  
煨醋淬

巴豆

三個  
去油

杏仁

二錢  
炒去皮尖

右共為細末蒸棗肉丸如桐子大每服三五丸木

香煎湯化服

硃衣滾痰丸 方見痰癇

清熱和胃丸

川連 五錢

生

梔子 五錢

竹茹 四錢

生

麥冬 五錢

去心

連翹 四錢

去心

山查 一兩

神麴 一兩

炒

麥芽 一兩

炒

陳皮 四錢

枳實 五錢

麴炒

大黃五錢

甘草三錢  
生

右共為細末煉蜜為丸每丸重一錢量兒與之用  
滾白水化下

風癰

風癰汗出風襲經二目青黯面淡紅十指屈伸如數物  
化風羌活牛黃寧

註風癰因汗出脫衣腠理開張風邪乘隙而入發時  
目青面紅手如數物治法先宜疎風解表輕則化



風丹主之重則羌活桂枝湯主之風兼痰者牛黃

丸主之

化風丹

膽星 二錢

羌活

獨活

天麻

防風

甘草  
生

荊芥穗

人參

川芎 各一錢

右共為細末煉蜜丸皂子大每服一丸薄荷湯化

開服

羌活桂枝湯

羌活

防風

麻黃

桂枝

天麻

大黃

甘草

生

引用生薑水煎服

方羌活桂枝治風癰疎風瀉熱妙難言羌防麻桂天

麻草大黃煎服自然安

牛黃丸

膽星

全蠍去毒

蟬退

各二錢半

防風

牛黃

白附子生

僵蠶

炒


天麻各一錢五分

麝香

五分

右為細末煮棗去核皮取肉和丸如菽豆大每服  
三五丸生薑湯化服

御纂醫宗金鑑卷五十一



總校官庶吉士臣張能照

校對官檢討臣王鍾健

謄錄監生臣曹錫璜